

東  
華  
續  
錄

東華續錄

光緒一百六十三

臣朱壽朋敬編

臣張毓英恭校

冬十月己亥朔以宋朝儒爲安徽壽春鎮總兵張行志爲江西九江鎮總兵○庚子以張人駿爲漕運總督○以薛允升署刑部左侍郎○壬寅電 諭奏勅李鴻章廿日電旨當已奉到事機萬緊朝廷不爲遙制惟懿親不加刑乃各國通例自可切實聲明至追懲禍首以太原殘殺爲重若將其置之重典便可撤兵就款即當照辦矣勅李鴻章膺全權重任一切准其便宜行事不必往返延致生他變總之時危事迫惟以 宗社爲重該親王等督體此意相機因應力維大局可也○諭劉樹堂著開缺另候簡用浙江巡撫著惲祖翼補授榮銓著補授浙江布政使○諭御史管廷獻奏陝省年饑糧貴小民生計維艱請肅營規以通商賈而裕食用一摺陝省現值災歉民食維艱全賴商賈源源販運以資接濟著如該御史所奏兵勇佔住民房諸多騷擾以致商旅裹足糧價日昂實屬不成事體所有各處勇營著該統領等嚴飭一律築立營壘居住帳棚不准佔住民房客店致礙商賈至西安省城內之兵勇除虎神神機兩營已飭該旗營駐紮操防及現留護衛供差外著岑春煊查明無論何營一併飭於郊外擇地支帳立營均不許

佔住民房客店並著出示招徠商賈運販米糧以濟民食凡運糧過境卽著該省督撫通飭各州縣設立堆卡認真護送並飭陝豫一帶關卡將糧石稅釐暫行豁免以恤商力而拯災黎此後倘仍有兵勇攔處紛擾卽將該營管帶嚴行參辦其商賈運糧如有州縣需索過繼之弊並著指名嚴參均勿徇縱將此通諭知之○癸卯以胡廷幹爲山東布政使胡景桂爲湖南按察使尙其亨爲山東按察使世杰爲浙江按察使○諭軍機大臣等本日據綽哈布電奏奕劻李鴻章有電催令由江下駛航海先赴旋順與俄提督商議大略等語已諭令照行矣此事關繫緊要應如何示以機宜俾辦理得有依據之處著該親王等詳晰電知綽哈布爲要○乙巳命奎綱守護 東陵○諭軍機大臣等疊據錫良電奏法兵西進不止督防日緊恐致開衅等語法兵西進自爲尋仇起見現在毓賢已擬嚴辦初三電諭想已轉告各使著奕劻李鴻章再與法使切實商阻並告以督省教案俟和議定後再專派大員持平查辦萬勿再行進兵致礙大局而傷睦誼該省自錫良到任以後極力保護教士安輯教民目下民教相安辦理甚爲妥協並告各使儘可放懷也○丙午張之洞奏武昌北門外十里地方自開商埠允之○丁未諭朕恭奉 慈禧巡幸陝西所有潼關華陰渭南臨潼咸陽各府州縣踴路經過地方本年應徵錢糧已經加恩豁免現在駐蹕長安徭役較繁民力未免拮据自應一體加恩以示體恤著岑春煊卽飭藩司將長安縣本年錢糧應徵

應免迅速分別辦理並審判刻騰黃頒行張貼務期實惠及民毋任吏胥舞弊用副朝廷巡幸施惠至意  
○黃槐森奏臣於光緒二十六年四月十七日承准總理衙門電開奉 旨邵積誠電奏據興義鎮總兵

蔣宗漢等咨稱廣西西隆州城於四月初一日被匪闖入與黔境僅隔一河等語著黃槐森迅即派撥得力將弁前往剿辦務期剋日撲滅毋任盤踞蔓延仍將該處現在情形迅速電奏欽此 臣前以邊徼游土各匪勾結每有聚集擾害豫籌辦法已於本月二月派候補知府全文炳統帶律武營督率各防營會同地方文武團練搜剿電商提 臣蘇元春飭派健字營劉榮瑁陸榮廷等分途合辦並電滇黔督撫 臣派營於交界處堵截詳晰奏明在案先據柳州思恩南甯等府所屬稟報游土各匪滋擾均經隨時剿撫擒斬不少餘黨潰散乃於四月十一日據署左江道何耀章電據代理泗州府知府柴熙稟稱西隆州黃先植聞游匪至境出城調團初一日匪闖入州城搶劫登時趕回擊走請速派兵追剿等語復接提 臣蘇元春電飛飭先派出之劉榮瑁陸榮廷二營就近跟蹤追剿並電飭管帶護商營勇阮朝忠速帶勇三百名馳剿捕維時統帶律武營全文炳正在柳州搜捕餘匪亦飭分隊前往助剿又據右江鎮總兵李永芳電已派營馳往堵擊正在辦理間奉 旨邵積誠電奏前因遵即將派營剿捕大概情形電請總理衙門先行代奏在案一面委員馳往詳查並分飭認真剿辦去後茲據署泗州府知府柴熙及委員先後稟報到

臣覆加確核均與訪查情形無異謹爲我 皇太后 皇上續晰陳之緣本年三月間邊地游匪羅四葉  
大高衛黃三等爲首勾集夥黨由西林縣邊界竄至西陸州屬古障克長等處該州知州黃先植立即齊  
團堵禦一面請勇防剿未能即到三月二十八等日疊報匪竄東路黃先植卽於二十九日督帶親兵  
差役馳赴東路一帶詰問扼要截擊詎該匪竄越西南小路於四月初一日卯刻闖入州城搶劫匪衆約  
四百餘人勢極洶湧署降林營守備陳慶芳該州吏目蒲錦地帶領兵團奮力抵抗衆寡不敵被匪鎗斃  
兵目吳吉發一名鎗傷兵丁團民數人該州聞警登時督率團練兵役回城奮擊陳慶芳蒲錦地亦揮兵  
團夾攻鎗斃匪黨十三名該匪卽於是日午刻退走黃先植等督兵團追至冷水村一帶該匪分路逃竄  
陸已兵募兵力單薄未敢連追又因城中居民驚亂黃先植卽回城招集安撫查驗居民被劫者三十一  
家州署被劫錢糧米折銀一千三百兩衣物蕩然州印亦失監倉尙無損失該匪於初二日竄至下古河  
邊竊統帶敵新各營總兵蘇元瑞率隊赴思恩府屬搜捕積匪正與該匪相遇當卽奮擊鎗斃匪目黑楊  
二二名生擒十名初三四五等日追至十二箇八渡等處斬獲無算並殲前次戕害那馬通判譚麟之匪  
首黃大一名生擒二名奪獲譚麟之白玉帶頭及衣物等件餘匪竄至普羅寨先經署泗州府柴照派撥  
防勇查堵截於初七日會合健字營陸榮廷率隊夾擊鎗斃匪黨十餘名初八日陸榮廷又追至那馬

村西利一帶遇匪黨二百餘人趨至接應放鎗拒敵鏖戰時陣亡什勇三名陸榮廷骸受鎗傷奮不顧身督隊衝擊破斃匪首羅四一名夥黨三十餘名生擒王五等四名奪獲號衣鎗械首飾多件該匪大敗逃竄至苗人寨扁牙村等處黃先植督率兵練堵擊阮朝忠亦督弁勇追至兩軍合剿鎗斃匪徒十餘名生擒陸下生等三名奪回州印一顆並衣物等件初十日匪竄入西林縣屬涼瓦村西林縣楊必康會同健字營劉榮瑁督隊馳往剿捕斬匪十餘名該匪回竄至西隆州屬江河黃先植陳慶芳會同阮朝忠督率兵練弁勇馳往四面截擊陣斬匪首葉大一名夥匪八名生擒卓三等五名營勇李明發吳得標黃尚奇被鎗陣亡兵練受傷四名餘匪奔逃竄散各營弁勇分道搜查無蹤地方安堵如常據各地方文武稟報前來當卽分飭查緝逸匪務獲以淨根株並認真整頓訓練保甲妥辦善後節次擒獲匪犯均解交地方官訊錄確切供詞稟經批飭就地懲辦在案查西隆州黃先植因游匪竄入州境卽率兵役團練堵禦不意匪徒繞越小路闖入州城登時趕回擊走復會同督率兵練營勇合力追捕十日之內殲除殆盡並擒斬首要多名尙知愧奮該員已於撤任後病故可否從寬免議著陸林營守備陳慶芳雖因在城營兵無多被匪闖入後經會同地方文武督率兵勇撲滅惟未能先事預防咎有應得擬請革職以示懲儆西隆州吏目蒲錦地係專管監獄之員於該匪闖入當卽會同文武擊走監犯均無疏失擬請革職留

任至州署被劫錢糧米折銀兩應飭令該故員黃先植家屬照數賠繳州印失去多日雖經奪回未便再用容俟送部飭毀並請換鑄現刊刻木質關防飭發行用以昭信守待 旨著實力防剿務絕根株餘依

議○戊申諭軍機大臣等錫良奏廷雍所部振遠十營在順德易州一帶餉絕將潰直隸庫款由道員葉元琦運至汴省著于蔭霖派得力鎮道會同葉元琦馳往順德易州將振遠各軍發給兩月餉項一面認真裁汰分別去留如于蔭霖尚未到任卽著任道鎔遵照辦理○己酉諭軍機大臣等綽哈布電奏預籌到省後應辦事宜請撥鉅款或在滙恩借等語著奕劻李鴻章電飭盛宣懷俟該將軍抵滬或向中國通商銀行或向匯豐銀行妥籌商辦先行應借銀三四十萬兩以應急需至該將軍到旅順晤俄提督因應機宜及到省後如何接收布置之處仍遵前有詳細預籌電知綽哈布爲要○庚戌諭甘肅提督董福祥從前在本省辦理回務懋著戰功自諫京以後不諳中外情形於朝廷講信修睦之道未能仰體過事致多貽誤本應予以嚴懲姑念甘肅地方緊要該提督人地尙稱相宜著從寬革職留任其所部各軍現著裁撤五千五百人仍著帶領親軍數營尅日馳回甘肅扼要設防以觀後效○壬子調崧蕃爲陝甘總督魏光燾爲雲貴總督○諭軍機大臣等奕劻李鴻章數日以來與各使商議情形如何未據電奏殊深慮系該親王等慎重全權如有爲難之處不妨據實直陳朝廷必能審時度勢酌奪辦理切勿遷延日久致

任至州署被劫錢糧米折銀兩應飭令該故員黃先植家屬照數賠繳州印失去多日雖經尋回未便再  
用容俟送部飭毀並請換鑄現刊刻木質關防飭發行用以昭信守得 旨著廣力防剿務絕根株餘依  
議○戊申諭軍機大臣等錫良奏廷雍所部振遠十營在順德易州一帶餉絕將潰直隸庫款由道員葉  
元琦運至汴省著于薩霖派得力領道會同葉元琦馳往順德易州將振遠各軍發給兩月餉項一面認  
贖裁汰分別去留如于薩霖尚未到任即著任道鎔遵照辦理○己酉諭軍機大臣等綽哈布電奏預籌  
到省後應辦事宜請撥鉅款或在滙恩借等語著奕劻李鴻章電飭盛宣懷俟該將軍抵滬或向中國通  
商銀行或向匯豐銀行妥籌商辦先行應借銀三四十萬兩以應急需至該將軍到旅順晤俄提督因應  
機宜及到省後如何接收布置之處仍遵前有詳細預籌電知綽哈布爲要○庚戌諭甘肅提督董福祥  
從前在本省辦理回務歷著戰功自諱京以後不諳中外情形於朝廷講信修睦之道未能仰體過事致  
多鹵莽本應予以嚴懲姑念甘肅地方緊要該提督人地尙稱相宜著從寬革職留任其所部各軍現著  
裁撤五千五百人仍著帶領親軍數營尅日馳回甘肅扼要設防以觀後效○壬子調崧蕃爲陝甘總督  
魏光燾爲雲貴總督○諭軍機大臣等奕劻李鴻章數日以來與各使商議情形如何未據電奏殊深慮  
系該親王等貴重全權如有爲難之處不妨據實直陳朝廷必能審時度勢酌奪辦理切勿遷延日久致



大局益難收束現在是否開議條款曾否見過藩卽迅速電聞○欽奉 慈禧端佑康頤昭豫莊誠壽恭  
欽獻崇熙皇太后懿旨本年陝西天時亢旱秋成大半失收災區甚廣現未得有雪澤二麥已不及播種  
糧價昂貴異常小民流離轉徙困苦情形殊堪憫惻前經降旨於本月初一日提前開辦粥廠惟被災各  
屬饑民衆多待賑孔亟加恩籌發銀四十萬兩由行在戶部撥給交岑春煊妥爲賑濟該撫務當督飭藩  
司遴派廉能印委各員並公正紳董查明災區輕重妥議章程分別核實散放總期實惠均霑不得假手  
吏胥至滋弊端用副朝廷軫念災黎有加無已之至意該部知道○癸丑以吏部尚書徐邨戶部尚書崇  
禮協辦大學士○授王文韶爲大學士○調鹿傳霖爲戶部尚書孫家鼐爲禮部尚書○以善書爲崇文  
門正監督散信副之○命雲貴總督魏光燾卽來 行在陛見○甲寅命孫家鼐爲翰林院掌院學士○  
乙卯奕劻李鴻章電致 行在軍機處據俄德英義奧日本日比八國先後照會稱八月二十六日 上  
諭加賞李秉衡之子孫以示篤念忠貞查忠貞之臣 加恩酬賞自屬理所當然但此次李秉衡故後  
恩卹殊令輿情趨入歧途政府諸臣雖明與各國重商結好恐仍存如李秉衡顧恨泰西之心李秉衡夙  
與西人爲仇由南省北來途次督率民攻燬教堂迨入京後圖攻使館極力加功大臣有與泰西輯睦者  
附和僉人而陷害之其死也乃與救使聯軍對敵所致如斯忠貞果爲國乎必應行駁辯務請嗣後勿再

降此項 諭旨等語查李秉衡在東撫任內虐待教士致有膠州之失釁 恩降調不再起用今復令帶兵自贖徒有嫉洋之志實無勝敵之方貽害 君國死不足惜茲因 明詔優卹廢後致騰衆謗現將開議和局萬不可敗應否俟其條款到時撤銷李秉衡卹典以示大公請代奏 上諭軍機大臣等奕劻李鴻章電悉著即遵便宜行事之旨酌量辦理仍速催開議爲要○丙辰奕劻李鴻章電致 行在軍機處開各國條款大致商定德使忽謂 等前奉全權電 旨不合式不能開議請援照二十一年馬關議約奉有全權大臣用 寶敕書以昭慎重與之駁辯再四堅持不允英俄日本皆從此議可否極宜酌辦由京恭錄 諭旨在大內請用 御覽臨時給閱免其繕詞延宕開議日期乞代奏請 旨遵行 上諭軍機大臣等奕劻李鴻章電悉全權敕書用寶即著照所請辦理○戊午奕劻李鴻章電致 行在軍機處頃德使在美館覓出二十一年春派 李鴻章爲全權 敕諭文云 大清國 大皇帝敕諭現因與大日本國重啟睦誼特授文華殿大學士直隸總督北洋大臣一等肅毅伯李鴻章爲頭等全權大臣與日本國所派全權大臣會同商議便宜行事釐定和約條款予以署名畫押之全權該大臣公忠體國夙著勳勞定能詳慎將事締結邦交不負朕之委任所定條約朕親加查閱果爲妥善便行批准特敕此稿樞譚無存鴻記憶不錯該使等謂必應照辦以昭鄭重擬將 李鴻章銜名上添寫 奕劻銜名餘均酌

量照續蓋用 御寶俟開議時給閱免再挑別延開條款尚未得見聞懇屬首一條經美俄日執論改請加重懲治尙有等差此外雖有創格似非必不可行祈代奏請 旨俟開議有日再詳報又李鴻章電奏俄王爾吳克托穆前月杪到京與談時事甚代焦急近聞俄主病已漸愈謂我 皇應致電慰問並謝交還東三省之事伊知此事實由俄主重睦誼顧大局臣下不盡願從然惟自主操縱我 皇一言道謝彼更欣然主持使各國有所觀感必有密電允諾可爲證據鴻因與吳商擬 國電稿敬呈 御覽如蒙飭行卽由京譯發洋文電徑遞黑海行宮免由彼得堡轉外部稍遲鴻一面電知楊使並電盛宣懷俟俄土洋文回電過滬照譯漢文轉奏請代奏候 旨遵行 國電文曰 大清國 大皇帝敬問大俄國大皇帝好萬音遠來欣悉大皇帝已經康復因行在遠離海口前此大皇帝抱恙朕一有所聞卽派楊儒傳旨致候蓋自本國近遭大難以來重荷鼎力援助是以大皇帝起居與本國休戚相關前聞大皇帝宣播德意力保中國土地主權近於滿洲地方一意重使太平並准將東三省地方交還中國官吏俾文官得以治理地方之事查滿洲爲本朝發祥之地 祖宗陵寢所在故朕尤覺喜溢五中感銘肺腑今大皇帝有此聖明公正之舉關繫大局良非淺鮮足增大皇帝盛世之光乘此機會我兩國鄰邦之誼益臻親密仰託昊天降佑我兩國定能永享昇平之福以後誠信交孚緩急相助也光緒二十六年十月 上諭軍

機大臣等奏劄李鴻章治電悉全極敕書用寶十八日已有旨照所請辦理李鴻章囑電所擬致俄國之電著照所請行仍著奕劻等速催開議爲要○己未以崇壽溥綱貴昌徐琪爲內閣學士○以焦大聚爲喀什噶爾提督○諭軍機大臣等浙江衢州教案著派盛宣懷會同惲祖翼迅速認真查辦妥爲了結毋再延誤○奕劻李鴻章電致 行在軍機處頃據英薩使照稱浙撫劉樹堂因衢州教士被害案去任藩司惲祖翼接任該藩司顯恨西人較劉撫尤甚不應令其接替請一體屏退並凡有交涉之缺不再補放且請將劉撫留浙俟關係英教士案內各員處分定後再聽離省等語查自今夏拳匪肇亂各省教案疊出操縱兩難浙東民氣浮動攻教尤甚劉惲非必與洋人爲仇辦理或有未當之處該使聽領事等一面之詞持論過激不易調停應如何處治伏候 聖裁請代奏 上諭軍機大臣等奕劻李鴻章囑電悉浙江交涉事件關係緊要惲祖翼既升巡撫必應妥辦何至預存成見深恐洋人所言並無實據衢州教案現已電飭惲祖翼迅速持平辦結如果該撫辦理未能妥協應如何處置之處朝廷自有權衡決不徇庇此旨著奕劻等詳告英使務釋其疑○辛酉以馬安寶爲新疆伊犁鎮總兵○癸亥錫良岑春煊奏此次陝災較光緒三四兩年大概相同前次陝捐集款至二百數十萬兩其時海內殷富地方儲備亦多現在地方既艱窘異常而各省亦較前困苦僅恃賑捐常例誠不足集鉅款救災黎臣春煊昨因各省來電欲

援晉省成案請發實職空白部照當經飛函下錫良查取當日辦過成案一面經臣春煊先行附片陳懇  
頒發實照已奉 硃批著照所請該部知道欽此欽遵適臣錫良亦將成案底冊檢出核閱以一分飛遞  
臣春煊並函稱前項成案與近今內外捐法不同尚須斟酌請督中郡邑自去冬至今未麥無收哀鴻  
遍野災區既廣時日又長雖雖蒙 聖慈發帑截漕並准開辦賑捐以資撫恤而庫款奇絀早已羅掘一  
空各處防餉又復紛至沓來仰屋興嗟束手無策若能同辦實職賑捐廣集鉅款則晉省百萬生靈俱被  
朝廷恩施之仁臣春煊細核遞來案冊誠與近今捐法不同緣從前道廳州縣實官除賑捐局之外皆  
歸部庫收捐別省不得上兌其餘實官外省俱皆准捐故給事中郭從矩奏請晉省賑捐推廣收此四項  
實官直隸總督李鴻章原任山西巡撫曾國荃會奏復請督捐大小實官准其報捐分發指省及各項花  
樣惟銀捐先前班次仍不准兌收各等因均經奉部文准行並令將實職空白給照約計數目咨部繕發  
在案近任各省藩庫大小實官均准上兌惟所兌收者係歸新海防捐輪照章造冊解部其外省各種賑  
捐只收實監虛銜翎枝封典並無實職可捐今既仰荷 特恩照請先發實職空白部照若即照新海防  
例並行分勸恐各扎生莫適所從轉致觀望因循是大有礙於新海防而甚無益於各賑捐也 臣等悉心  
揣商似非減成分等不足以兼顧並濟覆查近日兩江總督劉坤一會同護理江蘇巡撫聶緝規奏開江

甯籌餉捐輸請照新海防例減成核收凡四品以上實官暨各項班次花樣照籌餉例四成實銀核獎五品以下三成核獎並准其移獎子弟奉 特旨允准未擬援引聲請惟甯捐係以一半留備部撥一半留爲本省辦防之需是於新海防一遇雖維而猶未維也今奏督賑捐本請全辦撫恤若無論大小實官一概減成收捐則捐生避重就輕新海防必致大絀臣等不敢但顧兩省致部庫有所爲難今擬變通甯捐之意而爲分等之請凡四品以上實官及州縣選缺先最優之花樣均歸新海防兌收五品以下實官暨各項班次花樣劃歸賑捐均照籌餉例三成核獎如有事先輸將及事後願改者並准移獎子弟其飯照費部庫辦公所需仍照新海防隨收不再減去所有賑捐實官銓補一切並照新海防辦理請勿區別此項賑捐名之曰奏督實官捐輸臣等飭歸義賑局妥爲開辦並揀廉幹之員分發各省廣爲勸募以奉文開辦之日爲始勸辦一年集款若干陝災較重分用六成督省分用四成造冊請獎則統歸陝西核辦免致兩歧先請 飭發寶職部照五千張隨後有餘繳還不足再請臣等愚昧之見冀於賑濟可集鉅資而部款亦不致遲絀合無仰懇 鴻施逾格 特旨允准臣等謹當卽行開辦至兩省銜封等項賑捐業已奏定有案仍各歸各辦不必會同爲是又奏 臣恭讀本月十四日閣鈔仰蒙 皇太后俯念陝西災區甚廣饑民待賑孔亟飭由行在戶部撥銀四十萬兩交 臣督飭藩司遴派廉幹卽委各員並公正紳董查明

災區妥議章程核實散放 天恩高厚博濟窮黎凡屬臣民同深欽感惟災區過廣耳目難周勢須徵飭  
官紳分任其事現在仕途龐雜難免混淆臣前任市及月餘司道等雖在任較久然知人之明自古為難  
臣與司道皆未敢自信戶部之獄乃各省小民脂膏各疆臣籌畫不易又經辛苦跋涉解赴 行在苟非  
為救災繫性命何敢上瀆 朝廷發此鉅帑倘為印委各員及庸劣紳董侵蝕是此百數十萬饑民我  
皇太后 皇上憫念而欲生之者因無此百數十廉幹之員而終死之也今官紳既不敢必其一一廉幹  
而祇效凍餒又不能少緩須臾惟有奏乞 朝廷申明懲罰之一法如有實力實心勤勞罔懈真能救斯  
民之殘喘保衛災區者無論官紳即軍營異常勞績保獎如其侵蝕賑款玩視民生即當按律從嚴參  
辦蓋示之賞則有慕於前示之罰則有懼於後 恩威並濟以鼓舞羣僚庶皆奮勉趨公上紓 子惠元  
元之心下釋中澤嗷嗷之苦臣亦藉其臂助少免愆尤且勸戒在先亦矧寓保全官紳之意如蒙 俞允  
結懇明降 諭旨俾各懷遵於拯救窮黎關係實非淺鮮 上諭錫良等奏煊奏請開辦賑實官捐輸  
以資賑濟一摺山西陝西全省災區甚廣籌賑維艱著照所請准其開辦實官捐輸所有銓補章程均照  
新海防捐一律辦理餘依議另片奏辦賑員紳請申明賞罰等語此次辦理賑務非尋常偏災可比委辦  
員紳果能實力實心勤勞罔懈即著照軍營異常勞績保獎如有侵吞款項玩視民瘼者即著從嚴參辦

毋稍姑容○乙丑奕劻李鴻章電致 行在軍機處羅豐祿電即將開議英使請必須戮王公數人前已覽告慈親不能加誅今復反商夜長夢多請代奏 上諭軍機大臣等奕劻李鴻章徑電慈親不加刑各國通例早經聲明何獨英使反商其中必有別故朝廷惟恐夜長夢多是以予該親王等便宜行事之權不爲通制如有爲難之處並諭令據實詳陳來電吞吐其詞不勝焦慮著卽迅籌開議務期及早了結一切妥協以便定計回鑾○丙寅崑岡奏宗室奕功圖家殉節請予優卹允之

十一月己巳朔諭軍機大臣等本年自五六月以來各省人心浮動教案迭出而江西爲尤甚李興銳尙未到任張紹華黃無旁貸務將各處教案迅速持平了結免貽口實現在時事艱危萬不可再釀衅端致大局益難收拾李興銳到任後遇有交涉事件務當審時度勢悉心籌辦萬勿稍涉疏忽以致辦理棘手是爲至要將此由五百里諭知李興銳並傳諭張紹華知之○庚午諭山西教堂自錫良到任後於該省教士教民飭屬認真保護數月以來督省民教相安誠恐日久該地方官復形懈弛匪徒或藉端滋事著錫良再行通飭各屬於有教堂處所務須格外加意防護倘有匪徒藉仇教爲名有意尋釁或兵勇滋擾卽飭嚴緝務獲從重懲辦並將該地方官及管帶營官嚴行察辦毋少寬貸○壽耆奏公爾光裕殉節請予優卹允之○甲戌諭岑春煊奏前蒙諭免長安縣屬錢糧請旨辦理一摺現在駐蹕長安凡踴路經過



之各州縣地方俱應普沛恩施優加體恤所有長安縣屬錢糧著一體蠲免十分之五餘著照所議辦理  
該部知道○奕劻李鴻章電致 行在軍機處冬二電計達○奕劻本日已刻前往日館與十一國使臣  
會晤由該使等面交華文法文英文德文條款各一分查所交華文與英參贊昨交譯漢底本字句微  
有不同謹將全文電呈 御覽本年五六七八等月即光緒二十六年四五六七等月間在中國北方省  
分釀成重大禍亂致罹窮兇極惡之罪實爲史冊所未見之事殊悖萬國公法並與仁義教化之道均相  
牴牾茲將其情節尤重者開列於左一西歷六月二十日即中歷五月二十四日大德國欽差駐紮中華  
便宜行事大臣內大臣男爵克因公前赴總署之時被奉令官兵戕害二同日京師各使館被官兵與義  
和團匪勾通遵奉 內廷諭旨圍困攻擊直至西歷八月十四日即中歷七月二十日聯軍救至方止而  
彼時中國國家乃令使臣向各國政府宣傳擔承保全使館之 旨三西歷六月十一日即中歷五月十  
五日大日本國使館書記生杉山彬奉差公出被官兵在城門戕殺又客居都中及各省之諸國人民均  
被拳匪官兵慘加戕害陵虐或被圍攻僅賴極力抵禦方得保全而其各項房舍無不毒遭焚劫四各國  
墳塋之被污漬在京爲最甚至墳墓被掘骸骨暴殘因以上各節遂至各國爲保衛各本國使臣以及人  
民之性命並擬定變亂起見遣派軍隊前來乃當此各國聯軍赴京又遇中國軍隊抵抗祇得奮勇擊敗

而中國既自表明悔過認真並願挽回因此事變所生情勢於是諸大國公定允如所請但由各國酌擬  
懲前毖後所必須定而不移之要款施行今將各款臚列於左第一款原任德國克大臣被害一事欽派  
親王專使前赴德京代表中國 皇帝國家慙悔之意遇害處所樹立銘誌之神與克大臣品位相配用  
辣丁德漢各文列敘中國 皇帝惋惜此等凶事之 旨第二款西歷九月二十五日即中歷閏八月初  
二日 上諭內及日後各國駐京大臣指出之人等皆須照應得之罪分別輕重盡法嚴懲以蔽其辜諸  
國人民被害陵虐之各城鎮五年內概不得舉行文武各考試第三款因日本國使館書記生杉山彬  
被害中國國家必須用優榮之典以謝日本國政府第四款中國國家須在各國人民墳墓曾遭污損發  
掘之處建立石碑以昭滌垢雪侮之意第五款運進中國之軍火暨專為製造軍火之各種器料照諸國  
後定之則仍不准運入中國第六款凡有各國各會各人等以及為他國人執事之中國人民因近來各  
事身家財產所受公私各虧中國均認公平賠補中國國家須籌定各國所能允從之理財辦法以為擔  
保如何賠補以上所開虧損以及如何措還國家借款之地第七款各國應分自主常駐兵隊護衛使館  
並各將使館所在境界自行防守中國人民概不准在界內居住第八款京師至海邊須留出來往暢行  
通道故與其有礙之大沽等礮臺皆須一律削平第九款為京師至海邊暢道不使有斷絕之虞山諸國

應分自主酌定數處留兵駐守第十款中國國家務須在各府廳州縣將載明下開兩端之諭旨張貼  
兩年俾衆周知永禁軍民人等入仇視諸國各會違者問死至開列各犯所定罪名及殺害陸路各國人  
之城鎮停止各項考試亦在此列中國 皇帝務頒 諭旨一道通行布告以各省督撫文武大吏及有  
司官於所屬境內皆有保持平安之責如復肇傷害他國人民之亂再有違約之行必須立時彈壓懲辦  
否則該管官員即行革職永不敘用亦不得借端曲庇別給獎敘第十一款凡通商有船各約以及關乎  
通商各他事宜各國以修改爲有益者中國認與商議更改第十二款總理各國事務衙門必須革故吏  
新及諸國欽差大臣親見中國 皇帝禮節亦應一體更改其如何變通之處由諸國酌定中國照允施  
行以上各款若非中國國家允從足適各國之意各本大臣雖許有撤退京畿一帶駐紮兵隊之望云云  
中等查條款末段所稱若非將各款允從足適各國之意雖許有撤退京畿一帶駐紮兵隊之望詞意決  
絕不容辨論 宗社 陵寢均在他人掌握稍一置詞即將決裂存亡之機間不容髮惟有籲懇 皇太  
后 皇上上念 宗社下念臣民迅速 乾斷電示遵行不勝迫切待命之至請代奏 上諭軍機大臣  
等奕劻李鴻章江電悉覽所奏各條曷勝感戴敬念 宗廟 社稷關繫至重不得不委曲求全所有十  
二條大綱應即照允惟其中利害輕重詳細節目仍照昨日榮祿等電信各節設法婉商磋商尙冀稍資

補救該王大臣等力爲其難惟力是視可耳○丁丑諭軍機大臣等奕劻李鴻章陽電悉條款大綱固已  
照允惟詳細節目仍須設法婉商磋商力圖補救本日張之洞電奏條款內第五款專爲製造軍火之材  
料一句如果照允中國永無禦侮之具卽會匪潰勇亦不能懼且各省製造鎗礮局廠均須停閉關繫匪  
輕查伍使楊使來電皆云俄美外部所告祇言暫禁是此條必可商改等語著奕劻李鴻章與各使婉切  
相商將專爲製造軍火之材料一句刪去並議以暫禁年分較爲妥協○諭于蔭霖奏知縣虧短庫款逾  
限未完請旨懲辦一摺河南撤任溫縣知縣秦本捷虧欠正雜各款共銀六千餘兩之多屢經嚴催未據  
完繳實屬延玩著卽行革職拿問監追查明該革員任所屬所有無隱寄貨財先行嚴密查抄並著湖南  
巡撫轉飭漢川縣知縣將該革員本籍家產一併查封備抵以重庫款○戊寅張之洞電致 行在軍機  
處數月來各國國書外部公使皆以 回鑾爲請將來自必回京惟此次第七第八第九款大沽撤礮臺  
使館駐護兵津沽設兵卡三條其勢不能不允然合計十一國京城護館之兵至少必有千餘津沽沿路  
之兵至少必有五六千海口兵船約十餘艘兵數亦在三千內外是洋兵水陸合計必有萬人不啻何時  
始撤恐是長局此路我既無臺無兵彼又據有鐵路半日可到都下實屬危險合十一款覲見改章觀之  
以後各使請覲必然頑敝動輒於覲見時面加要求必致條款陸續增添日逼日緊從此中國無自主之

權不可爲國矣必須籌一穩妥平允之策前日英德兩領事來詢問有何意見昨函致兩領事云京都駐  
衛隊京至津沽沿途設兵卡大沽撤撤臺護衛使館可謂至周至密是使館永遠安穩惟是中國京城門  
戶之防全撤不容自衛是朝廷永遠危險似欠平允雖諸大國當不致藉勢橫行然國數既多年月既久  
諸國未必永遠聯爲一氣日後難保不各生意見設是一二國或有嫌端尋隙或因彼此誤會與中國爲  
難中國何以自保將必至無論何國無論何事或於此國有益而於彼國無益之事亦可隨時要挾上則  
逼勒 朝廷下則洋兵四出騷擾百姓中國從此永遠不能平安各國亦必暗中受損矣必須籌定彼此  
永遠相安中國不致過危之道方是平允愚意此項衛隊及沿途卡兵必須聲明專爲保護使館之用沿  
途須定界限不得越界騷擾除中國再激各國公憤此是各聯均簽字允肯向中國用兵者另當別論  
外倘一二國與中國偶有齟齬該國公使下旗出京應即將其衛隊及其卡兵帶同回國其津沽至京之  
暢道爲各國護館公共之路須守局外敵國不得借道進兵庶使館安中國 朝廷亦安不然明知危險  
臣下斷不敢勸請 朝廷回鑾也等語託其電告英德兩使與之婉商不知各使允否惟有請 旨飭下  
全權大臣於此節務商善法暫緩 回鑾告以駐兵妥籌方能放心回京如一時未有善策而彼又嫌陝  
省陸路太遠於使館不便似可與各國婉商另擇彼此兩便地方或在長江上游一帶止能行小兵輪之

定於江岸向內數十里或百里以便暫時行都使館俱獲妥穩俟京津駐兵議有妥章後再行回京亦莫  
不得已權宜之策此策英領事前兩月曾言之較勝於強兵逼處挾制無窮庶幾國權自主猶可徐圖振  
興冒昧瀆陳請代奏 上諭軍機大臣等張之洞初九電悉所稱回鑾一節甚屬周密不為無見即著將  
原電電知奕劻李鴻章參酌辦理該督與劉坤一均奉有會同便宜行事之旨但有所見即著徑電該親  
王等商酌以期妥速奕劻李鴻章現議條款如有應行參酌之處亦隨時電商該督等互相斟酌期臻妥  
協○庚辰奕劻李鴻章電致 行在軍機處前據楊儒堂次電奏俄主願將東三省交回經外戶部而允  
在案嗣吳王克脫及格使均以事關重大三省將軍號令不一賢愚不等商辦恐難准一須另設法今吳  
王已出京回國格使接其政府電此項商議在蘇彼得堡舉行較為便宜照請奏懇 大皇帝於貴國出  
使大臣楊儒授以最寬之全權俾得不曠時日與俄國政府舉商議定一切等因 上諭等查從前交收伊犁  
一案曾派曾紀澤為全權大臣往俄商辦今東三省關係更為重要此事應由俄外戶兵三部主持自宜  
在俄商訂為妥楊儒洞悉時勢具各部推誠聯絡情形最熟可否俯如所請授以全權大臣重任俾得乘  
機妥議交收事宜當於大局有裨仍請嚴飭東省將軍遇事電商楊儒勿稍掣肘俾臻妥協祈代奏請  
旨分飭遵照 上諭軍機大臣等楊儒著授為全權大臣與俄國商辦接收東三省事宜此事俄廷深敦

睦誼允許交還一切辦法須臻妥協著楊儒藩時度勢悉心籌畫隨時電商奕劻李鴻章互相參酌並著奕劻等電諭東三省將軍遇事妥為經理毋稍致誤○張之洞電致 行在軍機處初十日電 旨恭悉佳電昨已電知全權及江督矣查條款前總目四條內第二條有遵奉 內廷諭旨一語此數字句中有眼用意難測請鈞處告全權婉商各使將遵奉 內廷諭旨數字刪去為分緊要請代奏 上諭軍機大臣等張之洞電奏條款總目第二項內遵奉內廷諭旨一語句中有眼請飭緩商刪去等語此句實有關繫聞八月初二日懲辦首禍諸臣諭旨內早有實非朝廷本意之語著奕劻李鴻章據此力為辯論總以刪除為妥○辛巳諭軍機大臣等細釋條款第二款內有日後指出一律嚴懲等語日後二字甚屬不妥以前所指之人朝廷已分別重輕辦理若不劃清界限後患無窮著奕劻李鴻章婉切相商務將日後二字改去至一切節目內償卹款改約章兩條尤須細酌此外亦多有須詳切磋磨之處並著該親王等悉心計論隨時電商劉坤一張之洞互相妥酌切勿草率畫押○壬午諭軍機大臣等前有旨令周馥速赴直隸藩司調任現在該藩司行抵何處著盛宣懷迅即電催到滬後暫緩赴任即令乘坐海輪取道秦王島迅赴京師隨同奕劻李鴻章辦理和議條款事宜詳細磋磨務期妥洽並著盛宣懷將此有電知奕劻李鴻章遵照○癸未奕劻李鴻章電致 行在軍機處陽佳電敬悉懲辦一節蒙允加等與各使條款內

第二欸須照應得之罪分別輕重盡法嚴懲語意相符查步軍統領六月初二日懸賞告示生擒洋人分別給銀自係莊王主持遠戍決不滿欲察彼情詞決絕無可婉商必須照後一層辦法如此重案若不戮一人無以持情法之平莊係禍首中外咸知賜其自盡誠爲公允端請如支電發往新疆監禁永不釋回未知能否鑒彼族之意而我尙有詞可解釐則眾皆切齒目前卽難重辦亦應先予嚴處罪名英滿革遣趙革職似可徹辜至毓賢行爲慘酷貽禍國家正法自無疑義剛毅庇縱拳匪誤國殃民應請追奪官職李秉衡好爲大言貽害 君國應請撤銷卹典以上各節擬請先行明降 諭旨俾會晤時據以宣示支電所商各欸並張之洞所擬已逐欸擇要詳寫說帖容與設法婉商磋商力圖補救聞此次十二欸業請各國政府商定其大意礙難遽改而暫禁軍火進口將來尙可酌議限制年分請代奏軍機大臣奉 旨懲辦禍首前擬各節朝廷已萬分遷就委曲求全必須確有把握毫無異議方可先行明降諭旨照辦今來電僅云會晤時據以宣示又云未知能否鑒其欲皆屬未定之辭倘仍不滿所欲又將何以處之殊欠妥協應再行細酌○甲申崑岡等奏續查殉難各員請將葆初受恆崇綬宋承岸等從優賜卹允之○乙酉諭軍機大臣等奕劻李鴻章奏請調大員隨辦各國稅則條約一欸盛宣懷已有旨派充會辦商務大臣徐壽朋著卽來京幫同辦理此次商務條約事宜韓國交涉事件暫派參贊代理○諭軍機大臣等奕



劄李鴻章奏大理寺卿常明因信函被洋官牽涉請派大臣訊辦一摺卽派奕劻李鴻章秉公辦理○奕  
劻李鴻章電致 行在軍機處懲辦各節昨已照陽電奏准者分別入告惟董難重辦情形已疊與各使  
言及皆不謂然各國公論此次禍首端一董二莊次蓋日本書記生實係董兵戕殺圍攻使館尤係渠魁  
各使總疑有人庇護縱奸不辦今此案卽將結束能定罪名固妙否則應如何嚴處隨後重辦必須切實  
聲明免其藉口生波至泰初十電 行張之洞所稱回鑾一節不爲無見張旋將原電轉到細加察核所  
言尙未盡實如使館留兵英俄法德美日本每館留兵約百名以內義奧普水兵更不能多留比日荷本  
無兵無論矣合之不過數百津沽沿路之兵已於說帖內簽詢某國多少共計若干分紮幾處應先行商  
明並於各國詳定約束章程中國仍力任保護如一二年後各國查明中國保護得力卽可酌量撤去駐  
守兵隊張電謂至少必有五六十殊屬臆斷至撤釐一節擬商明察看何處何臺有礙暢通酌令平毀則  
其無礙馬路者不撤可知至門戶之防本不可靠咸豐庚申及本年夏間僅攻半日礮臺全毀似仍以自  
強爲善爲要所謂在德不在險也至謂或有一二國尋隙隨時要挾津沽至京暢道爲各國護館公共之  
路須守局外敵國不得借道進兵亦難於各國和合時預爲此說至謂另擇彼此兩便地方或在長江上  
游能行小兵輪處以便暫時行都使館尤屬謬論偏見 鑒輿固不能隨便游幸各使尤不能聽我調度

彼謂託英德領事電告該使該使常見並無此說至文電條款總目第二項內遵奉 內廷諭旨一語請飭刪除查各使團困日久但藉此空文洩憤當面並未挑過我若於字句間求之未免自生枝節不料張督在外多年稍有閱歷仍是二十年前在京書生之習蓋局外論事易也請代奏 上諭軍機大臣等奕劻李鴻章等電悉董福祥受恩深重即使加以重處該提督當亦無詞惟系為陝甘兩省漢回所傾服設辦理稍涉操切深恐激而生變後患無窮所難在此實非有人庇護應仍遵前旨不憚煩言開誠婉告以後仍隨時相機辦理此時萬難遽定各國既重修前好當亦願中國之平安無事也至各國使館留兵合之不過數百名是否業經商定確有把握至津沽沿路之兵分紮幾處共計若干各使有無回信應即查明電奏又遵奏內廷諭旨一語據奏各使但藉空文洩忿當面並未挑過等語既登諸報牘較面挑為尤要前已降旨引咎自責並有實非朝廷本意之諭自以刪去為妥若各使果祇空文洩忿該親王等確知此語必無後患原不必求之字句間也○丁亥諭李鴻章奏特參縱匪生變文武各官一摺永平府知府重煥著即行革職建昌營都司錫光城汛把總賈桂一著一併革職發往軍臺充當苦差以示懲儆○戊子奕劻李鴻章電致 行在軍機處元 旨敬悉前奏魚 旨十二條大綱應即照允當即備文知照各使各國宗旨皆以此次議禍鉅鉅所交各款係屬公同簽定在彼方謂極為持平無可商改稍一措詞即

將決裂繚經江甯電陳明在案近與各使先後晤談均以第二次會晤必須道 旨畫押方足見朝廷真心修好以後始可就款引申 等已按照榮祿等支電並參酌各說預備說帖於詳細聲明之中隱寓設法補救之意擬於畫押後從容計議下次會晤再行暢論 旨已照允 等不能畫押彼必謂朝廷無信全權無權不但不能商權撤兵並不能止其進兵關係利害甚大日來德瓦帥方厚集糧械左顧右盼分兵四出若有耽延必即別出詭謀 等何敢當此重咎並據美日使來稿畫押後 朝廷允辦各節如第一二三四款及第十款必須立見施行以昭大信至應行聲明各節儘可於畫押後詳細磋商即如償卹款改約章兩條均節目繁多決非旦夕所能就緒至第二款日後二字 等初亦疑說惟彼意將來辦理交涉必不可少此語即如毓賢董福祥皆閏八月初二日 旨內所無聞以後並無似此大員在內來日方長斷不能劃清界限即如歸化城六月間有殺害英國畫師一案近始訪出正在查辦此類甚多實難預爲禁絕聞各國現已趕繕條款預備互換爲期甚迫倘彼日內定期會晤 等祇有遵旨辦理劉張等相距太遠情形未能周知若隨時電商恐誤事機請代奏軍機大臣奉 旨奕劻李鴻章條欵大綱畫押已有旨允准矣來電稱各使有就款引申之語該親王等亦擬於畫押後從容計議以期補救應將疊次電諭及各說參酌辯論引申所最關緊要者爲遵奉內廷諭旨一語必須設法說明期

於必無後患奉令官兵語句亦須辯明爲要至日後二字雖難禁絕但必須另有實在案據如所奏歸化城一事者方可照辦不得任意牽混貽患無窮使館駐兵名數及京津沿路駐兵數目處所尤須議定限制仍將逐條妥議情形隨時電奏○奕劻李鴻章電致 行在軍機處頃准領袖日國使臣照稱貴王大臣恭錄 諭旨十二條大綱應卽照允等語當經諸位同寅屬託照覆目下各國全權大臣以照允之語爲據今附送專條俾貴王大臣署名畫押並請貴王大臣恭錄照允 諭旨蓋用 御寶分送各使署以昭信實俟各國大臣接收蓋用 御寶之 諭旨以及貴王大臣署名畫押專條之時援照貴王大臣所請之意當卽早定日時會晤應請貴王大臣於會晤之先將欲商各事預爲照知迨各國大臣議妥以便當面答覆而免遲延等因 等查西人多疑性急已聞湖北傳來停止畫押之信吏爲疑急擬將初六日諭旨十二條大綱應卽照允字樣蓋用 皇帝之寶分送各使署一道以堅其信一面將條款署名畫押仍將前備說帖於所商各節專文照知詳細妥議似於大局無妨乞代奏請 旨 上諭軍機大臣等奕劻李鴻章洽電恭錄條款大綱業已允准自未便延不畫押惟其中詳細節目甚多有必須就欸引中者關係至重不可不逐條切實磋磨以杜後患所有疊次諭旨所指各節及本日另有並內外臣工條陳各說該親王等務當詳加參酌力圖補救毋得以大綱業已畫押稍涉大意畫押以後著卽與各使先行商

訂撤兵日期尤爲至要○已丑諭軍機大臣等有人奏通商行船必先將前約或廢或停始能更改具載公法本年戰事止在北方彼時東南各省曾與各國立有互保之約通商行船一切照常此次所議擬改通商行船約章自應責成原議保護東南商務各督撫大臣切實婉商免其修改或如何變通以資補救等語著劉坤一張之洞盛宣懷悉心籌議或電商各國全權大臣及外部據理辯論並電告奕劻李鴻章一體妥議隨時電奏○庚寅諭內閣侍讀學士裴維岳奏官軍紀律不嚴請旨懲辦一摺行軍以紀律爲先果如所奏官軍任意剽掠沿途搶奪婦女營官視若故事常拔隊時隨意留遺至數百人之多實屬大干法紀若不嚴行懲辦無以甲軍律而順民情著岑春煊確切查明將該管營官從嚴參辦滋事兵勇卽行正法並飭屬妥籌資遣毋任流離失所○癸巳電 諭奕劻李鴻章條款大綱既已照允自應次第辦理其第一款爲德使克林德樹立銘誌之碑如何方與德使品位相配著卽斟酌妥商派員先行撰文措詞務須得體撰就後繕稿呈覽候旨定奪第三款日本書記生杉山彬除業經降旨祭卹外應用何典優榮以酬政府亦著酌定奏開至傳教章程務須商訂另立專條以杜後患○電 諭奕劻李鴻章十七日電旨及十五十七榮祿等電信迄今未據電覆實深慮系聞大綱草約業經畫押何亦未電覆確否第一二三四十各條應於何時宣布並由該親王等酌核電聞以便辦理著卽迅速按照電詢各節速覆電覆爲

盼○乙未歲杳春煊奏特參辦賑不力各員請旨懲處一摺本年陝西災重民情困苦承辦賑務各員官如何認真經理若如所奏情形實屬玩視民瘼必應嚴加懲辦以儆效尤試用知縣吳巨著卽行革職署咸甯縣丞況守誠著卽革職永不敘用雒南縣知縣王世長著摘去頂戴開缺另補並撤去咸甯縣署任澄城縣知縣李新謨著撤去長安縣署任仍留省幫辦賑務以觀後效餘著照所議辦理○丙申諭現因時事艱難下詔求言原期廣益集思有裨大局近日工部主事夏震武條奏多未能按切時勢立言著不准行昨據鹿傳霖奏參夏震武奏劾王文韶請置重罪王文韶劾廷任用有年克勤厥職辦理洋務尚能分別輕重斟酌緩急何得以傳聞臆度之詞率請將大臣置之重典殊屬冒昧姑念迂儒不達時務雖其言過甚而心尚懷忠免其置議本日引見時條奏繁微博引雖間有可探究多窒礙難行總之書生之見不免好名毋庸再行覆奏嗣後行事諸臣務須擇其補偏救弊確實可行者詳細敷陳以副下詔求言之至意○突劄李鴻章電致 行在軍機處楊使寄電文 旨未接俄照覆外部卽日回都洋報傳阿提督與增祺各派員互訂奉天交地九款一山將軍保護地方助造鐵路二保路俄兵房屋糧食由我供備三遣散華兵交出軍火四燬全省礮臺五地方安靖後交回牛莊等處六地方歸我自備巡捕彈壓七俄派員駐瀋陽預聞要公八如華捕力不足由俄派兵相助九以俄文爲準云密詢維特確有其事惟增約

係暫時辦法倘彼挾此成見商辦之件何從措手與維岐請至再伊稱中國舉此大禍若不慎防將來勢必一誤再誤俄非孩提可履欺等語竊思彼既而允歸地決無翻悔但恐所謂交還是吏治而非兵權有空名而無實惠九月間山外部轉東三省各電迄今無覆恐爲俄官所阻消息被迫我塞除照外部續電外請先代奏云查增祺來信前因省城危急適已革道員周冕山黑龍江來藩因其略習俄事派往旅順議和惟不應加全權委員之名致該員肆行無忌擅立暫且章程九條並未請示卽行畫押增欲改悔又派員至旅相商回無回信聞頗有後言玩維特語氣想外部亦必堅持以後事實難辦且管昌壽長各擁邊隊聲稱報復恐俄藉以開衅楊使所稱交還吏治而非兵權此實俄嚇情成見牢不可破應如何論令相機維持俾無決裂再據格使屢言既授楊儒全權不應令上等互相參酌致轉折遲誤以後但當自請電旨耳請代奏 上諭軍機大臣等奕劻等徑電悉楊儒留電所稱增祺派委已革道員周冕往旅順與俄攬立奉天交地暫且約章九條畫押等語閱之殊深駭詫此事增祺始終並未奏明周冕係已革道員久已擯棄不用卽係暫且約章該革員亦無議訂之權此次東三省交收事宜關係甚大楊儒既膺全權重任著卽贊成向俄外部婉切辯明務臻允協增祺擅行委員妄加全權字樣殊屬荒謬著交部嚴加議處俄與中國訂交最久近年於中國諸事無不極力維持此次許還東三省尤爲深敦睦誼想俄廷

亦斷不至以該革員私讐暫且之約遂執爲一成不易之據也李鴻章曾赴俄國立有專約史應統籌全局東三省安危所繫甚重著仍遵前旨隨時電商楊儒參酌妥籌總期吏治兵權均不失我自王爲要格使所言當與力辯以期共濟○是月日本國使臣西德二郎回國小村壽太郎繼之



光緒一百六十四

臣朱壽朋敬編

臣張毓英恭校

十二月戊戌朔理藩院尚書懷塔布卒賜卹如例○諭軍機大臣等前據榮祿奏參喀什噶爾提督余虎恩賞諭令袁世凱就近查辦現在余虎恩業已來陝著改派岑春煊按照原參各節據實查明具奏○庚子諭軍機大臣等錫良冬電悉新名聲所帶潰勇四百餘名業經該撫飭楊鴻禮留營補額馮義和所部潰勇尚有二千餘名將抵大同亦經該撫等派馬金敘等前往彈壓押回直境並收繳軍械給以川資辦理均尚妥協直隸潰勇尚恐不止此數卽著李鴻章迅派幹員查明分別遣留免致饑潰滋事○辛丑以世續爲理藩院尚書○以善耆爲鑲紅旗滿洲都統溥倫爲鑲黃旗蒙古都統○壬寅以信恪爲江甯將軍○崑岡等奏續查殉難各員請將色普徵額松林等從優賜卹允之○甲辰以余聯沅署理浙江巡撫○諭本日禮部奏明年元旦儀節請有一摺朕欽奉 慈禧端佑康頤昭豫莊誠壽恭欽獻崇熙皇太后懿旨現在駐蹕西安 宗廟 社稷及宮中 神位 聖容前元旦應行禮節均未能舉行言念及此寢寐難安予復何心受賀乃皇帝以元旦各節禮不可廢再三籲懇准如所請是日皇帝率同王公百官在

便殿行禮禮畢皇帝御便殿王公百官接班行禮欽此朕恭奉 乘輿殿座於外北瞻 宗社尤切疚心

惟欽奉 慈旨敬謹勉遵是日朕亦御便殿王公百官接班行禮所有一切典禮著概行停止該部卽遵

諭行○諭軍機大臣等據錫良電奏法兵忽到五虎嶺欲進廣昌並稱係直隸地方已劃歸法國屬山西

各營趕緊退出免起兵端業經該撫派員前往開導阻止請電京告公使撤兵等語現在和議大綱草約

既經押法兵何以仍復西進廣昌雖係直境實爲山西門戶且直隸劃歸法國之說又從何而來著奕

劼李鴻章迅與法使據理商阻毋任肆擾爲要○乙巳軍機大臣奉 旨密諭奕劼李鴻章知悉著福祥

帶兵無狀獲咎甚重朝廷不加加以重罪者特因其久經兵符爲陝甘兩省漢回兵民所傾嚮若辦理稍

涉操切或福祥一人不足慮而兩省愚民悍卒罔顧大局深恐一時鬪動驟成巨禍爾時平民既遭慘劫

而兩省教堂必首受其害不可收拾所以不能不躊躇審顧者以此否則朕於辦親王之在案者尙不肯

稍有迴護何獨袒庇福祥一人此情當可共諒也前已撤去該部勇隊五千餘人原期漸撤其權無定

人心徐圖辦法現擬明發諭旨至革職而止此後如何嚴懲斷自朕衷著奕劼李鴻章將此密旨轉告各

使以釋其疑是爲至要○諭前據御史張承繼奏參四川長壽縣知縣曹鍾彝等貪酷各款當諭令李俊

確查茲據查明覆奏長壽縣知縣曹鍾彝及委署該縣知縣謝壽昌浮收勒派等情均無實據著無庸置

讓休致編修汪樹烈於密查案件竟敢屢次致電任意誣誣官屬貪鄙無恥汪樹烈著即行革職交地方官嚴加管束委署遂甯縣知縣唐頃尙無貪婪實跡惟行竊之犯率行抽耳游行究屬不合唐頃著交部議處○突劄李鴻章電致 行在軍機處駐俄楊使儉電雷密外部廿二歸厦與訂賠改期至再似有所待又似計畫未決戶部籌議訂之欸如下 兵費償欸在京核定鐵路償欸另算一東省我常設巡捕兵其數須與俄商定一簡放將軍先與商明一每將軍處俄派文武二員武指巡捕兵數文辦鐵路等事一滿蒙暨北省利益各項利益不得讓與他國一滿蒙等處我不得造鐵路一金州城歸入租界一俄代理滿洲稅關由我派員稽查進欸一陸路進口納稅後免內地稅一中俄借款應改每月付息一兵費賠欸未清我無權贖回東省鐵路一俄欲購我山海關至營口鐵路該價即在兵費賠欸內扣算所餘之數每年應還利息即在滿洲稅關進欸內扣算一俄保路之兵訂明分期撤退各欸均供口述備告以萬難全允賠欸固宜清算他事總須持平辯論良久伊憐細節可商大旨雖改應辦中國允從勿以癩患視俄等語細繹各欸暨戶部之言善自爲謀乘虛圖我情形顯然查兵備利權與派官之權三者損一已失自主何況全損東省權利盡去已覺不堪何況牽涉蒙古暨北省一國如此他國效尤保全中國之謂何竊以俄如和平商辦作一榜樣應速與訂定如挾此成見自便私圖宜暫延緩且俟各國訂約再商否則倘英

於長江一帶德於山東全省均欲援例何以應之東省不守幸議交收堅拒非宜曲從不可事處兩難所  
宜通籌定奪既經戶部談及合先電陳梗概乞代奏請示機宜等語查俄戶部維特主持國是外部聽命  
所言如此殊難就範現日本使倡言如照周冕旅順所議東省雖曰交還實同佔據則英必占長江德必  
踞山東日本亦必圖據地大局擾亂可危似應如楊儒所議宜暫延緩為使 上諭軍機大臣等奕即令  
鴻章江電並楊儒僉電均悉交還東省種種為難自應照楊儒所擬從緩商辦○丁未諭世有萬禩不易  
之常經無一成不變之治法窮變通久見於大易損益可知著於論語蓋不易者三綱五常昭然如日星  
之照世而可變者令甲令乙不妨如琴瑟之改絃伊古以來代有興革當我朝 列祖 列宗因時立制  
屢有異同入關以後已殊滬陽之時嘉慶道光以來漸變雍正乾隆之舊大抵法積則敝則更惟歸  
於強國利民而已自播遷以來 皇太后宵旰焦勞朕尤痛自刻責深念近數十年積敝相仍因循粉飾  
以致釀成大釁現正議和一切政事尤須切實整頓以期漸致富強 懿訓以為取外國之長乃可去中  
國之短懲前事之失乃可作後事之師自丁戊以還僞辯縱橫妄分新舊康逆之禍殆更甚於紅巾迄今  
海外逃遁尚以富有貴為等票誘人謀逆更藉保皇保種之奸謀為離間宮廷之計殊不知康逆之請新  
法乃亂法也非變法也該逆等乘朕躬不豫潛謀不軌朕籲懇 皇太后訓政乃得救朕於瀕危而鋤奸

於一旦實則剪除叛逆 皇太后何嘗不許更新損益科條朕何嘗概行除舊酌中以御擇善而從母子  
一心臣民共覩今者恭承 慈命壹意振興廢祛新舊之名渾融中外之跡中國之弱在於習氣太深文  
法太密庸俗之吏多繁傑之士少文法者庸人藉爲藏身之固而胥吏恃爲牟利之符公私以文牘相往  
來而毫無實際人才以資格相限制而日見消磨誤國家者在一私字禍天下者在一例字晚近之學西  
法者語言文字製造器械而已此西學之皮毛而非西學之本源也居上寬臨下簡言必信行必果服往  
聖之遺訓卽西人富強之始基中國不此之務徒學其一言一語一技一能而佐以瞻徇情面肥利身家  
之積習舍其本源而不學學其皮毛而又不精天下安得富強耶總之法令不更鋼習不破欲求振作須  
議更張著軍機大臣大學士大部九卿出使各國大臣各省督撫各就現在情弊參酌中西政治舉凡朝  
章國政吏治民生學校科舉軍制財政當因當革當併如何而國勢始興如何而人才始盛如何而  
度支始裕如何而武備始精各舉所知各抒所見通限兩箇月內悉條議以聞再行上覽 慈謨斟酌盡  
善切實施行至西幸太原下詔求言封章屢見而今之言者率出兩途一則襲報館之文章一則拘書生  
之淺見指其病末究其根尙囿於偏私不化賸其利未賸其害悉歸於窒礙難行新進講富強往往自迷  
始末迂儒談正學又往往不達事情爾中外臣工當鑒斯二者酌中發論通變達極務極精微以便甄擇

特是有治法尤貴有治人苟無其法敝政何從而補救苟失其人徒法不能以自行使不分別人有百短人有一長以拘牽文義爲守經以奉行故事爲合例舉宜興宜革之事皆潛廢於無形旅進旅退之員遂釀成不治之病欲去此弊慎始尤在慎終欲覓其功實心更宜實力是又宜改絃更張以祛積弊簡任賢能上下交儆者也朕與 皇太后久蓄於中物窮則變轉弱爲強全繫於斯倘再蹈因循敷衍之故輟空言塞責遇事偷安憲典具在決不寬貸將此通諭知之○諭軍機大臣等英主薨逝已有國電致唁聲明卽派專員前往弔奠獎勵李鴻章在京當慰問英使並告前情○獎勵李鴻章電致 行在軍機處楊使江電覽晤外部據稱現議之約由戶兵部擬稿數日內可以送閱告以俄一意保全中國屢經宣告中外今議交地總須名實相副不但中國心感亦且環球矚目如此榜樣恐英於長江雲南德於山東法於廣西及日本等相率效尤流弊何極伊謂事隸戶兵勢難專主開議時當代爲調停昨奉勅電及盛轉勘旨又撮要告外戶效尤一層前已屢言之與曾見脗合惟伊等均稱增祺暫約須先請政府批准肅押之件豈可不認答以增祺既未請 旨革員決無全權斷難批准彼終以既訂難毀爲言儒爭之至再戶部從長計議然終未允毀儒又謂俄聲言保我自主何兵權利權派官之權一朝奪盡聲言不利土地何現商東省連及蒙古與北省太不爲中國地所寶當設前言以固鄰好前日述各款決難辦到外仍委戶戶

稱懲前毖後不得不爾現正擬約稿可讓之處惟力是視云容再聞乞代奏又電敬悉奉 旨大綱第一款爲德使克林德樹立銘誌之碑著卽派員先行撰文呈覽候旨定奪等因除碑式如何與該使品位相配另與駐使斟酌妥商外所有碑文茲已派員撰就電呈 御覽請 旨定奪請代奏奏聞李鴻章陽碑文如下 國家與環球各國立約以來使臣歷數萬里之遠來駐我華國櫛所寄至隆且重凡我中國臣民但宜愛護而敬慕之者也德國使臣克林德秉性和平辦理兩國交涉諸務尤爲朕心所深信乃本年五月義和拳匪闖入京師兵民交訐竟至被戕殞命朕心實負疚焉業經降旨特派大臣致祭並命南北洋大臣於該使臣靈柩回國時妥爲照料茲於被害地方按其品位樹之碑銘朕尤有再三致意者蓋睦鄰之誼載於古經修好之規詳於公法我中國夙稱禮義之邦宜敦忠信之本今者克林德爲國捐軀令名美譽雖已傳播五洲而在朕惋惜之懷則更歷久彌篤惟望讀是碑者觀物思人繼前愆後咸知遠人來華意存親睦相與開誠布公盡心欵洽庶幾太和之氣洋溢寰區既副朝廷柔遠之思益保亞洲昇平之局此尤朕所厚望云 上諭軍機大臣等奕劻李鴻章陽二電均悉增祺未經奏明擅派周冕赴旅妄立誓約荒謬已極業已照部議革職現又未經具奏徑行赴旅與俄提督面議接收事宜必更枝節橫生著卽迅速電飭廻日回京不准擅議接收此有並卽轉告俄使前已有旨令清銳暫署盛京將軍矣楊儒

來電籌辦爲難情形均悉仍著轉電該使堅持磋磨力圖挽救從緩妥商全在楊儒之隨機因應也德使碑文著照所擬辦理○己酉以聖廷詔爲湖北布政使○奕劻李鴻章電致一行在軍機處楊使魚電疊晤外戶約稿未就彼仍堅欲批准暫章再商正約答以暫章應毀已聲明在前相強無益貴國既欲我在此今先以萬不可行者相逼不但暫章無請批之理亦正約無開議之期徒延時日況貴戶部已允從長計議矣反復勸導戶部躊躇久之始云如正約無阻難此節當勉從所請答以如正約近理無不可商我祇可代奏允否全在政府連日辯論始將請批一節予罷此等枝節尙與正文無涉開議結束正雖預料苦於權勢俱無臂舌寡效材幹任重焦急萬分乞先代奏稿到再陳等語 上諭軍機大臣等奕劻李鴻章轉楊儒魚電著東省暫約經楊儒辯論作罷甚是另立正約即電楊儒極力磋磨斟酌妥善無負委任英主嗣位致賀國電已發日公主成婚即著電飭伍廷芳傳旨致賀○庚戌諭旨通商訂約以來各國人民准入內地載在條約朝廷慎固邦交迭經諭飭各省實力保護乃地方官漫不經心以致匪徒肆行滋擾傷害各國人民教案層見疊出朕惟薄德無以化導愚民良深引疚而地方各官平日於洋務不知講求於交涉罔知大體以至積薪厝火貽害君國撫心自問當亦難安自今以往其各振刷精神捐除成見須知修好睦鄰古今通義西人來華或經商以懋遷有無或遊歷以增長學識卽傳教之士惟以勸人行



嘗爲本梯山航海備極艱辛我中國既稱禮義之邦宜盡賓主之節近年華民出洋者不下數千萬人身家田產悉賴各國保全卽以報施而論亦豈得稍存歧視著再責成各直省文武大吏通飭各屬遇有各國官民入境務須切實照料保護倘有不逞之徒僞託義憤凌虐戕害洋人立即馳往彈壓懲犯懲辦不得稍涉遲延如或漫無覺察甚至有意縱容釀成巨案或另有違約之衅不卽立時彈壓犯事之人不行懲辦者該管督撫文武大吏及地方有司各官一概革職永不敘用不准投効他省希圖開復亦不得別給獎敘並將此次諭旨一併刊布騰黃曉諭以期官民交警永革澆風○諭各省匪徒藉仇教爲名糾衆立會惑經降旨嚴禁不啻三令五申乃近來山東各屬竟有大刀會義和拳等名目到處演習肆行殺戮蔓延直境闖入京師以致焚燬教堂圍攻使館開罪鄰邦貽誤大局朕以保護未至負疚滋深爾百姓平日食毛踐土其受國恩輒敢逞其好勇鬪狠之私習誦符咒邪妄之術拒捕戕官肆無忌憚違爾肇此奇禍上貽君父之憂追念之餘尤深痛恨已經嚴飭各路統兵提臣實力剿辦務盡根株並將縱容義和拳之王大臣各予以應得之罪分別輕重盡法嚴懲戕害各國人民之各省概停文武各項考試以示懲儆惟思鄉僻愚民尙未周知特再嚴行申禁以免不教而誅爾軍民人等須知結黨入會例禁嚴歷來辦理會匪之案從未稍寬況各國皆屬友邦教民亦係赤子朝廷一視同仁毫無歧異卽或果有被欺情

事亦應投控有司聽候持平判斷何得輒聽謠傳藉詞報復託名義憤藐視刑章追事敗之後弔者遠颺  
懦者慘戮法所難容情實可憫自此嚴諭之後各宜悔過自新痛改舊習如再有怙惡不悛之徒私立仇  
教各會持械格鬪公然劫掠除爲首之徒嚴密查拿盡法懲治外其甘心從逆焚殺有據者亦卽按照懲  
辦土匪章程治罪決不寬貸各省將軍督撫大吏均有牧民之責務各嚴飭所屬剴切曉諭並將此次諭  
旨刊刻謄黃徧行張貼務使家喻戶曉勉爲良善以無負朝廷諄諄誡諭之至意將此通諭知之○諭朕  
恭奉 慈輿西幸 宗社 陵寢祀典闕如懔深負疚當於閏八月間降旨令奕劻派員致祭以申對越  
之忱本年除夕明年元旦朕應行親詣之處著奕劻於在京近支王貝勒中敬謹派員恭代行禮其向河  
派員致祭各處著照常將應派各員照例分派前往行禮用表朕尊 祖敬 宗昭告 神祇之至意○  
以李岷琛爲湖北按察使○辛亥崑岡等奏續查殉難官員明秀謙鈞恩勳等請從優賜卹允之○調端  
方爲河南布政使延祉爲陝西布政使○以聶紱棊爲湖北巡撫陸元鼎爲江蘇布政使○以景星爲福  
州將軍○奕劻李鴻章電致 行在中機處前據英使函稱英繪圖官周尼思於本年六月由山西包頭  
地方行至歸化城卽無下落請飭查明當否察哈爾都統就近詳查旋准查覆周尼思確於六月十九日  
在歸綏道署西門外被殺惟該道稟係綏遠城將軍派小隊傳令箭將周尼思正法該將軍咨風聞是日

午後道署西門外殺一洋人不知情由兩營互相推諉後經密咨察哈爾都統派員再往確查茲准該都統奎順擬解查明綏遠城將軍委無派小隊傳令箭將周尼思正法之事歸綏道始則諉爲將軍之令迨經確查又謂被參民毆斃探諸輿論準以案情具爲該道所辦之事毫無疑義咨請核辦前來查該道於過境洋員任意殺害實屬兇謬已極英使業已訪知意在以該道抵抵但尙未查確茲據前情若不先予嚴懲斷難與議應請 旨將該道綏道鄭文欽先行革職聽候查辦案關重大將 如何擬結容俟奉

旨後照會英使再與竭力磋商請代奏 上諭軍機大臣等奏勅李鴻章文電悉著山西歸綏道鄭文欽著卽行革職聽候查辦○壬子命都察院左都御史張百熙充頭等專使大臣前往英國奠嘯致賀○以誠勳爲江蘇按察使○諭工部代奏學習主事吳震武條陳一摺國家交涉事宜何等慎重詳籌豈有以疏遠小臣自請簡使卽可遽信之理吳震武前請赴京先見李鴻章姑允所請冀抒一得之長今乃妄請自充專使並援引洪嘉與許璟同往直以國家重大之事視同兒戲推其心欲自博愛國放言之譽貽朝廷以棄賢拒諫之名實屬狂愚謬妄自應予以重懲姑念迂儒無知從寬嚴行申斥勿庸前往京師亦不准再行續請○諭李鴻章奏武職大員營名惡劣請旨懲處等語記名提督天津鎮總兵張標統帶各營訓練無法前在易州涿州一帶任勇殃民著卽行革職永不敘用並不准投効各路軍營以肅戎伍分統

儘先游擊王和亭蘇長慶均有被訴之案著一併革職仍著該督查明嚴參餘著照所議辦理○奕劻李鴻章電致 行在軍機處頃據俄格使函稱聞中國有換現任盛京將軍之說本大臣視為危險前奉

有令增祺仍回本任經我政府所理會而本大臣轉達本國大憲者方有暫留治理該省事宜歸於該將軍之議今特見撤任則於楊欽使在俄都所奉委辦商議之動靜如何不利於中國可知等語聞旅順阿提督電於此事大為不平增在旅並未聞如何開辦事關交收中省大計似不得不俯順洋情可否仍令增祺署理將軍之處伏候 聖裁若另易生手誠恐決裂請代奏 上諭軍機大臣等元電悉增祺准暫留盛京將軍之任交收事宜悉聽楊儒辦理勿再謬誤從事著即傳諭遵照○甲寅奕劻李鴻章電致 行在軍機處元電悉專使赴英噴賀應用 國書兩道恭擬電呈 御覽請 旨定奪紙張包袱

一切已照向章預備查俄國前次先派王之春前往噴賀嗣後加冕又派鴻章專使英使言加冕當在一年服闕以後而英國加冕聞向不若俄之鄭重此次專使噴賀是否令候加冕另備 國書抑照俄例作兩起伏候核酌乞代奏奕劻李鴻章謹恭擬 國書如下 大清國 大皇帝敬致書於大英國大君主五印度大皇帝陛下朕驚聞貴國先大君主龍馭升遐曷勝悲悼欽維先大君主臨御宇內六十餘年豐功偉烈震鐸古今凡在友邦同深欽仰尤與中國休戚相關和好無間本年五月中國猝遭變亂尤賴先

大君主執牛耳之盟保通商之利俾得和議速成大局早定朕心尤爲銘感方冀先大君主克享遐齡期  
頤迺符遠聞雖耗震悼殊深茲特派某爲欽差大臣恭齎國書前往貴國表朕唁慰之意惟望大君主仰  
承先志益懋宏規本孝思不圖之誠致海宇昇平之治以無負先大君主付託之至意惟大君主鑒察焉  
大清國大皇帝敬致書於大英國大君主五印度大皇帝陛下朕欣聞大君主嗣登寶位宏紹丕基卜  
福祚之綿長徵邦基之永固朕心實深欣慰因念中國與貴國訂約以來永敦輯睦商務之盛甲於五洲  
既利益之相關宣情好之彌摯茲逢卽位大典特派某爲欽差大臣恭齎國書前往貴國表朕欣賀之意  
惟望大君主克紹前徽益宏寶祚保四海昇平之局慰環球企望之忱從此我兩國睦誼益敦和好無間  
朕不勝欣盼之至 上諭軍機大臣等國書妥當速卽照辦加冕一節看各國如何再行酌定○內辰奕  
劄李鴻章電致 行在軍機處今日十一國使臣會議懲辦禍首各使宣說圍攻使館兩月山王大臣王  
使現經查出獲管較重數員如端王莊王毓福祥麟英年剛毅趙舒翹及續經查出啟秀徐承煜並案  
外仇殺教士戕害多人之毓賢仇視洋人信拳恨教攻使加功之李秉衡內除已死者應追革官職撤銷  
卹典外其現存各員均應予以死罪以謝天下各國等力辯原條款有分別輕重盡法嚴懲之語茲所  
言毫無分別未免矛盾伊等言此卽盡法嚴懲之最輕者又問啟秀徐承煜向所不及何忽添此二人伊

謂條款內原有日後各國指出之人此二人續經查訪實係罪魁不得分別先後啟秀軍機兼總署以極力庇縱拳匪嘗謂洋人可以殺盡徐承煜凡徐桐所言所為暗中主使與洋人不兩立殺戮總署忠良諸臣皆其監物亦具預謀皆以端王懿親礙難加刑現擬發往新疆監禁永不釋回與死罪何異伊謂何不予以假死罪如物監候一二年後再發新疆以示曲全莊王革福祥窮凶極惡非殺不可告以我等擬請莊賜自盡肇先革職後再嚴懲因出示庚戌 密旨一道伊留侍觀再說伊謂端既曲全載瀾英年皆助端莊為惡道舒翹身為刑部操生殺之權又當樞樞重任釀成大變均非殺不可告以載瀾亦係懿親只能遣戍永不釋回亦是蔽辜伊謂英年無可逃罪又告以道舒翹樞樞皆不當家刑部殺立徐等非伊作主至重亦不過永戍新疆至啟秀徐承煜雖聲名平常所陳罪狀毫無證據監物乃照例差使未必預謀均宜貸其一死毓賢殘忍嗜殺擬請正法各使多不謂然擬再自行會商即具照會請奏德使起而謂曰似此重大案件僅殺兩人各國斷不甘服看來和局難成八萬重兵亦難運撤此事如何得了臣等不敢竊於上固只有俟公照會來再請 旨請先代密奏 上諭軍機大臣等奕劻李鴻章徐承煜均係辯論數月和局大綱第二款內載有分別輕重之說今忽改稱均應論死是原定條約不足為憑實屬自相矛盾至日後二字前據電奏難以劃清界限但必須實有按據方可懲辦今又指出啟秀徐承煜均係

空言毫無實據似此有意刁難是何意見抑係因東三省俄約不妥因而藉端觀望現在各國照會尚未送到該親王等務當先行照會切實商辦務就範圍並設法探明其反覆之由密速電奏爲要○奕劻李鴻章電致 行在軍機處頃接將軍由旅順元電轉電敬悉祇辦理不慎咎無可辭惟文電不通爲難情形未能遽達和議如何前此亦未略悉周旋九條如第一條火車路未改八九條尙無關係二條俄留軍隊與鈞示不允全撤相同三條我軍隊既不得力一律裁撤亦與函示相符三省庫存之械俄軍收去消兵械已散失留兵六千械僅數用礮臺現無閒壘何用五條已允將遼海蓋縣各城歸還營口亦允和議略定必交六條巡捕隊六千人比吉林多二千與從前練軍相仿七條省城雖派來廓米薩爾及暫約俱允俟北京和議爲斷不符更改是暫約已不爲一定之據此補救大概情形此番商訂尙無枝節懇鈞政轉奏云此電已轉楊使酌辦並語以後與增等通電可託俄轉達 上諭軍機大臣等奕劻等轉增祺元電悉交遼東省前已有旨授楊儒爲全權大臣悉應由其在俄妥商辦理今增祺復在旅擅行商訂約章必致又爲所藉口著該親王等速電飭增祺迅回盛京毋再多事干咎○丁巳電 命出使俄國大臣楊儒呈遞 國書其文曰 大清國 大皇帝敬問大俄國大皇帝好朕維講信修睦爲國之常經救災卹患交鄰之盛事中國與貴國交好二百數十年從無纖芥之隙本年六七月間中國京城亂民滋事一

時撲滅不易蔓延及於東三省疆吏不審處置致煩貴國用兵是貴國代我剿平匪亂非與中國有隙也  
及各國聯軍入京貴國首先撤隊出都以明不貪土地之意並許貴國在我東三省兵力所及之處一律  
歸還義聲昭著環球各國無不欽仰朕前經兩次電書致謝諒邀鑒及茲聞貴國政府與統兵官持議頗  
異於前欲將東三省政權隱由貴國主裁而中國所得者特一空名如此則歐美各國勢將舉起效法有  
妨中國內治之機朕知尊意必不出此竊思大皇帝篤念邦交信義昭著欲結歡中國之盛心至優且渥  
今日之事尤賴貴國主持為各國示之準則中國與貴國毗連之界二萬餘里唇齒相依他日苟有可以  
報答大惠之處當惟力是視所有東三省現築鐵路關係緊要自應照常經理夫鐵路之利非徒貴國重  
之卽中國亦賴之也朕斷無漠視不加保護之理此次保護不力之疆吏已重加懲治以後當嚴飭地方  
官防患未萌盡力保衛務洽貴國之意朕昨已派楊儒為全權大臣以便就近從長計議惟願大皇帝念  
我兩國多年交好與他國不同鑒朕此心俾我東三省政權無損悉照從前辦理庶幾兩國生民樂業和  
好永敦朕實有厚望焉○崑岡等奏續查殉難官員文書壽富等請從優賜卹允之○戊午諭軍機大臣  
等懲辦禍首一節此次照會實係變本加厲自應極力剖析惟往來辯論夜長夢多恐多延誤但必須分  
別輕重如能酌改速戍固好萬一故作刁難意存叵測或擇要辦到如彼所云假死罪者亦萬不得已之



舉也著獎勵李鴻章密商酌辦並查有無觀望別事另有意見一併電覆○諭前據御史管廷獻奏參河南陝州一帶官差過境地方官按設驛站藉端苛派請飭查辦等語當經諭令于蔭霖確查嚴參茲據該撫奏稱署澠池縣知縣顧守璠雖會無婪索客店關閉封禁等情惟號夫向客店按前需索數料小費兵差復加派草束均屬不合顧守璠著撤任留省察看靈寶縣知縣徐國鈞鄒縣知縣陳鼎臣縱容丁役婪索又均加派車馬捐欸前經另案革職均著免其再議陝州知州黃瑞原故指紳指定章外復屢次加派又縱容家丁藉端婪索實屬苛派病民著即行革職餘著照所議辦理○庚申諭軍機大臣等張佩綸著賞給翰林院編修隨同李鴻章辦理交涉事宜○以薛允升爲刑部尙書○以貽穀爲兵部左侍郎戴鴻慈爲刑部左侍郎○以姜桂題爲甘肅提督章高元爲四川重慶鎮總兵○詔魁斌爲鑲白旗滿洲都統溥良爲正黃旗蒙古都統○奏劄李鴻章電致 行在軍機處頃據各國使臣會銜照稱在京肇亂行兇各事昨經諸全樞大臣將專責較重異常獲咎之王大臣陳述並將各該犯照所得罪展應如何嚴懲之處逐一指明貴王大臣於此節持論各端諸全樞大臣均已聆悉亦皆著查此事如何由諸全樞大臣核定特爲奉達其日後由諸國大臣指定外省犯罪之員不能偏袒辯駁貴王大臣所擬莊親王載勛令其自盡諸大臣照允至端郡王載漪輔國公載瀾諸大臣核定均必應斬監候如蒙 上裁似應

卽行加恩赦其一死極輕當發新疆極邊永遠監禁不得再行遞減英年必當斬立決剛毅亦當定以斬立決既係已死其干係地步例應與生羅喇罪者同趙舒翹應斬立決至所構毓賢一犯必當斬立決諸大臣意見相同至董福祥一犯日後如何定罪責王大臣所請各節諸大臣已經記錄存案照諸王大臣主見莫若從速先行奪其兵柄則照許施行豈不較易李秉衡徐桐均當定以斬立決既係已死其干係地步應與生羅喇罪者同徐承煜嚴秀均應定以斬立決頒發此次核定罪犯案山之 上諭應卽宣示其處決之日從速指定惟無論京外諸大臣特行留派員監視管理行刑之權總之戕殺使臣及書記生兩月之久督率官兵攻擊西人教堂各國使臣且狡設陷罪誘騙西人離京赴津以便途中加害又以極其痛恨違悖公法致害多命加罪遞擢辯駁之大員慘罹大辟等情令諸國大臣所討辦者僅只如斯幾如無所要求至王大臣前送說帖內所列軍情各節如欲諸大臣斟酌其間中國必應將此次諸大臣討辦各節首先允從施行等因查此事關係重大不敢臆斷伏乞 聖鑒核奪宣示請代奏又電頃又據各國使臣續行照會肇亂時有極其痛恨違悖公法各狀之大員慘罹大辟茲公同核定徐用儀許景澄袁祖聯元立山等五員皆應立時開復原官以示昭雪抵償之意而重仁義大公之道此舉最中國國家未必不欣然允服也如外省有被害之大員情節與以上相同日後由諸國全權大臣指出亦當一律

請爲公允昭雪擬請王大臣於奏請頒發前文所討各罪名之諭旨時卽將以上五員開復原官之上諭一並宣示等語請代奏又電收秀徐承煜前數日已被聯軍拘禁屢請交回自辦不允合併奉聞上諭軍機大臣等奏勅李鴻章帶三電閣之實深駭異懲辦禍首分別輕重原約載明業經畫押該親王等雖次來電與各使屢經商請均以朝廷所擬輕重不患懸殊今忽改議一概從重並追咎已死之員又添指兩人明係與朝廷爲難是否別有意見著交勅李鴻章仍照會各使切實剖辯如載漪載瀾前電信所擬已係格外加重尙可照加恩速成辦理英年不過隨同附和載勛既以爲首重懲英年爲從例應減等趙舒翹查辦拳匪兩日卽回國奏並無縱庇之詞卽各國初議亦只謂其查辦不實豈能概置重典剛毅徐桐業經身故李秉衡只爲勤王北來並未加功開攻使館旋卽殉難況出使大臣前次聯銜電奏據各國所指懲辦禍首諸臣皆有除已死不計外之說今又加罪於死後諸人不惟中國無此刑章卽泰西各國亦無此法律至敢秀徐承煜並無擾鮮證據前旨日後指出之員必須確有實據方可加罪現各國聯軍竟將大員懸空拘禁未免太不留中國主權務令釋回自行查明如有證據自當懲辦至欲派員監視行刑尤屬窒礙難行必至駭人聞聽激生事變此說務須堅阻當國攻使館之時拳匪十數萬異常擾亂雖竭力保護仍恐或有疏虞因勸各使離京赴津並派宋慶軍護送實爲保全起見絕無誘騙中途

加害之意何以不諒苦衷反疑誘害所有各情務須與各使竭力剖明總之懲辦禍首必須分別輕重情  
真罪當方昭公允釐禍祥前有密旨已言明漸撤兵權尚須撫定民心乃可徐圖至請將徐用儀等五人  
開復原官一節該員等係因屢被參劾執法懲辦並非因痛恨違悖公法加罪亦無遞擱辯駁之事此節  
亦屬誤會今忽請朝廷加恩悉予開復只期禍首擬辦妥協自亦不難曲從諸大臣既真心議和自當諸  
事持平商辦也務即詳切商辦以期早日就範勿致停議各款宕延和局又生枝節爲要○壬戌諭京師  
自五月以來拳匪倡亂開釁友邦現經奕劻李鴻章與各國使臣在京議和大綱草約業已畫押追思肇  
禍之始實由諸王大臣等昏謬無知聽張跋扈深信邪術挾制朝廷於剿辦拳匪之諭抗不遵行反縱信  
拳匪妄行攻戰以致邪焰大張聚斂萬匪徒於肘腋之下勢不可遏復主令圍莽將卒圍攻使館竟至數  
月之間釀成奇禍 社稷佔危 陵廟震驚地方蹂躪生民塗炭朕與 皇太后危險情形不堪言狀至  
今痛心疾首悲憤交深是諸王大臣等信邪縱匪上危 宗社下禍黎元自問當得何罪前經兩降諭有  
尙覺法輕情重不足蔽辜應再分別等差加以懲處已革莊親王載勛縱容拳匪圍攻使館擅出違約告  
示又輕信匪言枉殺多命實屬愚戇其頑著賜令自盡派署左都御史葛寶華前往監視已革端郡王載  
漪倡率諸王貝勒輕信拳匪妄言主戰致肇釁端罪實難辭降調輔國公載瀾隨同載勛妄出違約告示

咎亦應得著革去銜職惟念俱屬結親特予加恩均著發往新疆永遠監禁先行派員看管已革巡撫毓賢前在山東巡撫任內妄信拳匪邪術至京爲之掄揚以致諸王大臣受其煽惑及在山西巡撫任復戕害教士教民多命尤屬昏謬凶殘罪魁禍首前已遣發新疆計行抵甘肅著傳旨卽行正法並派按察使何福堃監視行刑前協辦大學士吏部尙書剛毅祖庇拳匪釀成巨禍並曾出違約告示本應置之重典惟現已病故著追奪原官卽行革職革職留任甘肅提督董福祥統兵入衛紀律不嚴又不諳交涉率意鹵莽雖圖攻使館係由該革王等指使究難辭咎本應重懲姑念在甘肅素著勞績回漢悅服格外從寬著卽行革職降調都察院左都御史英年於載勛擅出違約告示曾經阻止情尙可原惟末能力爭究難辭咎著加恩革職定爲斬監候罪名革職留任刑部尙書趙舒翹平日尙無嫉視外交之意前查辦拳匪亦無庇縱之詞惟究屬草率貽誤著加恩定爲斬監候罪名英年趙舒翹兩人均著先行在陝西省監禁大學士徐桐降調前四川總督李秉衡均已殉難身故惟貽人口實均著革職並將卹典撤銷經此次降旨以後凡我友邦當共諒拳匪肇禍實由禍首激迫而成決非朝廷本意朕懲辦禍首諸人並無輕縱卽天下臣民亦曉然於此案之關係重大也○諭禮部尙書啟秀前刑部左侍郎徐承煜均著先行革職著奕劻李鴻章查明所犯確據卽行奏明從嚴懲辦○諭本年五月間拳匪倡亂勢日熾張朝廷以剿撫兩

雖迭次召見臣工以期折衷一是乃兵部尙書徐用儀戶部尙書立山吏部左侍郎許景澄內閣學士聯元太常寺卿袁昶經朕一再垂詢詞意俱涉兩可而首禍諸臣遂乘機誣陷交章參劾以致身罹重辟惟念徐用儀等宣力有年平日辦理交涉事件亦能和衷尙著勞勩應卽加恩徐用儀立山許景澄聯元袁昶均著開復原官該部知道○諭錫良奏拿獲首犯首要會匪訊明正法並將出力各員請獎一摺康梁二逆創立富有票到處散放藉端煽惑勾結匪徒潛謀不軌實堪痛恨經錫良嚴密拿獲首犯邵春軒甘瑞成二名訊明正法所有出力各員自應優加獎勵山西在任候補直隸州知州署陽曲縣知縣鄧景福候補直隸州知州澤川均著免補本班以知府歸候補班前補用試用直隸州州判李璣著免補本班以知縣引缺徐清縣知縣密昌珥著以直隸州知州遇缺卽補以示鼓勵餘著照所議辦理此等匪徒不免蔓延各省著各督撫嚴飭地方官隨時認真查拿勿任漏網該部知道○癸亥諭本年夏間拳匪搆亂開列友邦朕奉 慈禧西巡京師雲擾迭命慶親王奕劻大學士李鴻章作爲全權大臣結與國之憐心既有悔禍之機宜頒自責之詔朝廷一切委曲難言之苦更不能不爲爾天下臣民明諭之此次拳教之禍不知者咸疑國家縱庇匪徒激成大變殊不知五六月間屢詔拳保教而亂民悍族迫人於無可如何既苦禁諭之但窮復憤存亡之莫保迨至七月二十一日之變朕與 皇太后誓欲同殉社稷以

上謝 九廟之靈乃當哀痛昏聩之際經王大臣等數人勉強扶掖而出於鎗林礮雨中倉皇西狩是  
慈躬驚險 宗社貼危關闔成墟衣冠靡寧莫非拳匪所致朝廷尙其護庇耶夫拳匪之亂與信拳匪者  
之作亂均非無因而起各國在中國傳教山來已久民教爭訟地方官時有所偏畏事者祖教虐民沽名  
者庇民傷教官無持平辦法民教之怨惡結愈深拳匪乘機湊成大變山平日辦理不善以致一朝驟發  
不可遏抑是則地方官之咎也深源拳匪既焚堂毀路急派直隸練軍彈壓乃練軍所至漫無紀律戕虐  
良民而拳匪專持仇教之說不擾鄉里以致百姓皆畏兵而愛匪匪勢由此大熾匪黨亦愈聚愈多此則  
將領之咎也該匪妖言邪說煽誘愚人土公大臣中或少年任性或迂謬無知平時嫉外洋之強而不知  
自量致於妖妄詭爲神奇於是各邸習拳矣各街市習拳矣或資拳以糧或贈拳以械三數人倡之於上  
千萬人和之於下朕與 皇太后力持嚴拿首要解散僞徒之議特命剛毅前往諭禁乃竟不能解散  
而數萬亂民膽敢紅巾露刃充斥都城焚掠教堂圍攻使館我 皇太后垂簾訓政將四十年朕躬仰承  
慈海夙昔睦鄰保教何等懷柔而況天下斷無殺人放火之義民國家豈有倚匪敗盟之政體當此之  
時首禍諸人叫囂驟突匪黨紛擾患在肘腋朕奉 慈聖既有法不及眾之憂寢成尾大不掉之勢興言  
及此流涕何追此則首禍王大臣之罪也然當使館被圍之際屢次諭令總理衙門大臣前往禁止攻擊

並至各館會晤慰問乃因鎗礮互施竟至無人敢往紛紜擾攘莫可究詰設使火礮水灌豈能一律保全所以不致竟成巨禍者實由朝廷極力維持是以酒果冰瓜聯翩致送無非朕躬仰體 慈懷惟我與國應識此衷今茲議約不侵我主權不削我土地念列邦之見諷疾愚暴之無知事後追思慚憤交集惟各國既定和局自不致強人所難著奕劻李鴻章於訂細約章時婉商力辯持以理而感以情各大國信義爲重當視我力之所能及以期其讓之必可行此該全樞大臣所當竭忠盡智者也當京師擾亂之時曾諭令各疆臣固守封圻不令同時開釁東南之所以明訂約章極力保護者悉由遵奉諭旨不欲失和之意故列邦商務得以保全而東南疆臣亦藉以自固惟各省平時無不以自強爲辭究之臨時張皇一無可恃又不悉朝廷事處萬難但執一偏之詞責難君父試思乘輿出走風鶴驚心昌平宣化間朕待 皇太后素衣將徹豆粥難求困苦饑寒不如氓庶不知爲人臣者亦嘗念及愛辱之義否總之臣民有罪罪在朕躬朕爲此言並非追既往之愆尤竊欲儆將來之玩泄近二十年來每有一次釁端必甲一番詰誠臥薪嘗膽徒託空言理財自強幾成習套事過之後循情面如故用私人如故敷衍公事如故欺飾朝廷如故大小臣工清夜自思卽無拳匪之變我中國能自強耶夫無事且難支持今又構此奇變益貧益弱不待智者而知爾諸臣受國厚恩當於屯險之中竭其忠貞之力綜核財賦固宜而償洋欸仍當深恤民



艱保薦人才不當專取才華而當內觀心術其大要無過去私心破積習兩言大臣不存私心則用人必公破除積習則辦事審實惟公與實乃理財治兵之根本亦卽天心國脈之轉機應卽遵照初十日諭旨妥速議奏實力舉行此則中外各大臣所當國爾忘家正己率屬者也朕受 皇太后鞠勞訓養垂三十年一旦顛危至此仰思 宗廟之震驚北望京師之殘毀士大夫之流離者數千家兵民之死傷者數十萬自責不暇何忍責人所以諄諄誥諭者則以振作之與因循爲興衰所由判切實之與敷衍卽強弱所由分固邦交保疆土舉賢才開言路已屢次剴切申諭中外各大臣其各懷遵訓誥激發忠忱深念殷憂啟聖之言勿忘盡瘁鞠躬之誼朕與 皇太后有厚望焉將此通諭知之○諭本年夏間拳匪釁起懃恃城社挾制朝廷當時所頒諭旨首禍諸人竟於事機紛擾之際乘間矯擅非出朝廷之意所有不得已之苦衷微言宣示中外臣民諒能默喻現已將首禍諸人分別嚴懲著內閣將五月二十四日以後七月二十日以前諭旨彙呈聽候查明將矯擅妄傳各諭旨提出消除以重綸音而昭信史○甲子電 命出使俄法英德意美日欽差各大臣呈遞 國書文曰各大國會議要款敝國現已次第議商照辦惟賠款一事不得不通盤籌畫此次兵事各處財物毀失過多且敝國地利商務尙少開通一時不易籌集鉅款案之太急必致搜括無遺民窮生變當爲大皇帝所鑒諒敬念大皇帝誼篤邦交亦欲敝國竭力圖治永保

亞東太平之局開通商不竭之利源做國現議力行實政正期國報各大國之惠於後日望以國始終玉成商同各大國允將賠款酌減數目寬定年限另籌妥法攤償免使多借息款藉得稍蘇喘息整頓內政將來中外必能益加修睦與各大國永享無窮之利益感仰厚德非言可宣謹布腹心惟希鑒察不勝盼禱之至○乙丑諭軍機大臣等李盛鐸有電稱日本外部言此次中國萬不可割地如允割地與一國或雖未明割而允其設官置兵亦是暗讓一經允定他國必羣起效尤大局當不可問財政及各種利權亦然設有一國要挾太重中國似可答以此次事變關係各國宜歸入各國公約併議庶免受虧等語著奕劻李鴻章詳細斟酌妥籌辦理並轉電楊儒知之○諭薛允升奏重任雖勝懇恩收回成命一摺現在時局艱難大小臣工宜如何實心任事勞瘁不辭薛允升升授刑部尚書係朝廷破格擢用自當感激圖報乃以衰病爲辭未免有意沽名且復以習侍郎爲請既同辦一事豈有可供職侍郎而不能供職尚書之理薛允升所請收回成命之處著不准行並傳旨申飭嗣後如有似此虛文瀆請者定即開缺重處○奕劻李鴻章電致 行在軍機處頃接增祺馬電咸 旨暫准留任 聖恩寬大實賴成全交收事宜應聽楊使議辦何敢妄再凟曉惟省城不即接收俄員爲政我則呼應不靈無從措施昨劉彈子股匪萬餘已佔通化知縣陳璋出走賢得勝一股屢犯康平餘匪姦搶焚殺令人不忍聞觀管昌仍在庫魯結納匪

類壽長亦任意招兵而壽之僭妄騷擾尤甚彼等如能有裨至計祇之死生所不計也地方生民亦不必計特恐其擁兵自衛輕敵起戎又將擬嶺是蹈阿提督云溝邦子地方俄人屢被殺害已山海關添調重兵分布各路督軍前既不聽節制以致潰裂如此阿又屢欲往捉且云機會不可放過設釁端再啟大局即不中變彼亦更將有所藉口再兵餉久缺深虞譁潰勾結官吏亦均枵腹從公昨借俄款委因待用尚可籌還能否玉成未奉覆示倘能就近撥款濟急前議即請能論事局如此不得不言如何辦理抑或代奏懇速酌示遵等語查該將軍商借華俄銀行三十萬兩該行已允陸續借給請代奏 上諭軍機大臣等奕劻李鴻章沁電悉著即電飭清銳督昌壽長一併迅速赴京毋任延宕生事增祺所借華俄銀行款亦著該親王等酌定以後不得再借○內寅調世續爲禮部尙書以阿克丹爲理藩院尙書○諭軍機大臣等盛宣懷電悉首禍諸臣英年於職勛擅出違約告示曾經阻止會立銜名係屬隨同責諾且載勛爲首業已重懲英年爲從例應減等何得一律論死趙舒勉查辦拳匪亦係兼管順天府任內照例派往兩日即回頗有解散擬奏並無阻縱之詞情實可原著盛宣懷將此中情節會商劉坤一張之洞與各國外部切實剖明務從末減至啟秀徐承煜業經革職如果應得重罪亦當交回山朝廷按律懲辦決不寬貸仍將婉商各國情形迅速覆奏○奕劻李鴻章電致 行在軍機處頃薩使派其參贊傑彌邇來

告接政府回電稍舒翹不允減死問其究因何故據稱道一味附和剛毅稱拳匪爲義民去冬曾有不禁辦團習拳之明發諭旨係趙所擬是主持義和團之實據又拳匪進京時趙曾出迎其家眷出京係拳匪護送都人皆能言之且無論有無證據各國必欲治死傑又謂其政府之意端漸改假死罪因係懿親已屬從寬其餘諸臣朝廷若再護庇禍將及身等語詞意決絕無可磋磨請代奏上諭軍機大臣等奕劻李鴻章有電悉首禍諸臣昨已降旨分別懲辦英年道舒翹情罪較輕是以加恩定擬今來電稱該使語意決絕爲大局計不得已祇可賜死如果照此辦理不致再生枝節該親王等卽安察情形電奏請旨總期早定和局勿致延宕爲要○丁卯奕劻李鴻章電致行在軍機處晨發電後法使日本使均派人來密稱德瓦帥調度各國不能不遵允赫德又來告此事危險之至因各使前照會擬辦各節均與其政府商定奈不能照辦端漸監候仍可加恩而不允英年賞格列名趙舒翹衆所共怒皆謂應死罪姑息數人坐令宗社危亡殊爲不值祈速籌所以處之又電頃德穆使過晤謂適見瓦帥訂於正月初五日帶隊出京詢將何往答以兵機秘密未便預言並稱明日會議後卽有公照會送來仍照前照會一樣各國已定主意不能再有更改告以各國既可修好略爲通融卽如已死之人除已革職外實無可科之罪伊言係交情來看不便談公事瀕行諄囑其轉致瓦帥俟電奏得旨後如不滿意再定行止可乎

伊勉允而去。看此情景。現存諸人。非按前次照會所察辦法。斷難止其西行。或有爲增稱冤者。請查有電。便知其詳。勿爲局外搖惑。以祈 聖慈。俯念直督察豫完善之區。洋兵一至蹂躪。始盡設法挽救。實 宗社生民之幸。請代奏 上 軍機大臣等。奕劻李鴻章。鑒一電均悉。朝廷已盡法懲辦禍首。而各國仍不滿意。要挾甚迫。現存諸人。即照前次照會辦理。實因 宗社生民爲重。當可止兵不至再生枝節。茲定初三日降旨。初六日懲辦。惟英趙已無生理。或通融賜死。啟徐並索回。自行正法。該親王等迅速密籌。或倩美日等國及赫德等轉圜。能否辦到。並商明已死諸人。不再追咎。卽日電復。○是年義大利國新簡駐華使臣薩爾瓦葛抵任。○統計出口貨直銀一萬五千八百九十九萬六千七百五十二兩。進口貨直銀二萬一千一百七萬四百二十二兩。相抵虧五千二百七萬三千六百七十兩。凡徵貨稅銀二千二百八十七萬三千九百八十六兩。